

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historiae ecclesiasticae saeculi ... XVI supplementum

Fecht, Johann

Francofurti et Spirae, 1684

VD17 VD17 3:315948Z

VII.

[urn:nbn:de:bsz:31-122751](https://nbn-resolving.org/urn:nbn:de:bsz:31-122751)

nisi falsa scribere valeat. Felicissime tua R. valeat, & me semper, ut solet, amet.
Datæ Sturgardiæ, 4. Martii, Anno salutis, 1580

R. tua

Studioff.

Lucas Osiander, D.

VII.

(Philippo Marbachio.)

S. D. Reverende & clarissime compater.

Qui has literas tibi exhibet, M. Casparus Traubius, Heidelheimæ, uno tantum à patria mea milliari natus est, & duodecim annos in studiis extra patriam vixit, nec dubito, quin paulò post usui vobis ipsius industria in ecclesiæ aut scholæ alicujus ministerio, esse possit. Decrevit operam suam Ill. electori Palatino deferre & obligare, si aliquandiu adhuc in Sapientiæ vestræ collegio studia ipsi pertexere & confirmare licebit. Quæso igitur, ut eum benignè & diligenter juves. Existimo, vos libentius præceptoris ætatis & doctrinæ alumnos recipere, quam planè adolescentes. Itaque hac etiam de causa studiosius hunc M. Casparum provehas. De fratris mei filio quid scribam, dubito. Fortassis societas nominis mei apud quosdam ipsi obicit. Sed tamen honesto & candido ingenio, tametsi tardiore, præditus est, & natura magis ad Politicum aliquod seu forensè munus, quam ad Ecclesiasticum duci videtur. Nulla autem adhuc ætatis vel judicii maturitas est, sed Juvenilia & rudia omnia. Tuo igitur consilio eum, si isthuc veniet, reges. Apud me negligentius studia colit, nec ego necessariam illi ætati assiduitatem præstare possum. Benè vale. 18. Martii, Anno 1580.

David Chytræus.

IIX.

*Salutem in Servatore Christo. Reverende & clariss. D.**Doctor, præceptor & patrone plurimum observande.*

DE epistola ad Backhuschium nostrum reverenter ago gratias, quanquam eam illi non exhibui propter causas, quas coram recitabo. Et si autem multæ sunt
Hhhh 3 causæ,